



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Symmvla Caietani

Cajetan, Thomas

Antverpiae, 1575

Cambium quadrupliciter considerandum.

**urn:nbn:de:hbz:466:1-41716**

bum caro factum est, Deus habet & corpus & sanguinem. & non dicitur per modum iniuriantis, quamuis irreuerenter, quam secundo modo dicitur. Et propterea peccatum est graue, non tamen mortale. quia non contra, sed præter Deum est, & tanto grauius, quanto frequentius.

*Criminis falsa impositio semper est peccatum mortale.*

Calumnia (hoc est falsa, & malitiosa impositio criminis) peccatum est in proximum: quod non sola poenitentia absoluitur, sed oportet satisfacere offenso proximo. Si autem ex errore imponit quis falsum alicui crimen: calumniæ quidem vitium formaliter non incurrit, sed materialiter: & tenetur tam ad poenitentiam peccati, quam ad satisfaciendum offenso & læso: quoniam in culpa fuit errando. Non enim debebat assertiuè proferre id, in quo errasse se postea cõperit & iste cautus præceptus; fuit asserendo illud quod non constat esse verum, in præiudicium præsertim proximi.

*Cambium quadrupliciter considerandum.*

Cambiorum genera sunt quatuor. Quædam vera & realia, quibus moneta in vno loco ac tempore recipitur, & alio loco ac tempore redditur, prout in loco redditionis tempore restitutionis marca auri valet. Et in his nullum est peccatum cessante omni dolo & fraude. Veruntamen quum hæc ad prolixius tempus sunt aut protrahuntur, vt ex distantiori tempore plus lucri habeatur, ad vsuram declinant, quia cum temporis quo pecunia occupata tenetur, ratio habetur: ad eum vsuræ modum digreditur quo tempus vendi dicitur. Quædam verò sunt non vera, sed paliata, & solo nomine cambia: quibus indigens Romæ pecunia, accipit pecuniam restituendam non Lugduni, sed Romæ iuxta valorem cambiorum Lugduni in sequenti

*sequenti*

## 48 Casus referuati.

sequenti feria : seu quouis alio modo fictio cambii fiat. Et hæc sunt manifestè iniqua : quum verè sit ibi contractus mutui cum tali interesse.

Quædam verò sunt quibus pecunia Romæ data per literas cambii soluntur abbi . Et hæc sunt licita : si referuato solito, moderato tamen lucro nummulariorum sunt. Quædam demum sunt cambia ad minutum putà quum pro ducato dantur decem argentei, aut econtra . Et in his moderatum quoque lucrum non damnatur; iuxta diuersarum patriarum consuetudinem.

### *Casuum referuatio suos gradus obtinet.*

Casus referuati sedi apostolicæ clari sunt . Nam sunt soli quos Ecclesiastica censura ( hoc est excommunicatio ) referuat apostolicæ sedi, quos infra habes in verbo, Excommunicatio.

Casus verò referuati Episcopo ambigui sunt. Et propterea sequendo regulam, dimitte incertum, & tene certum. Et nisi priuilegiatus in hoc sis, conformate in qualibet diocesi consuetudini seu statuto illius Ecclesiæ, quoniam consuetudo dat & tollit iurisdictionem in huiusmodi.

Et scito quòd si excommunicatus ob simoniam, verbi gratia obtinuit à Papa absolutionē ab excommunicatione, poterit confessor simplex ipsum absolue à peccato simoniæ: quia ex quo ratio referuationis cessat, consequens est vt ipsa referuatio annexi peccati cesserit. Et similiter si quis semel absolutus est à referuatis, quamuis inefficaciter quòd ad salutem animæ suæ (putà quia incontritè) potest postea iterum confitendo à simplici confessore absolui etiam ab illis referuatis: quia ex quo semel beneficium absolutionis concessum & executioni mandatum est legitimè in foro Ecclesiæ, rationabile est vt non habeatur amplius